

ادبیات عمومیہ مجموعہ سی

سنہ : ۱ ہفتہ لقی سیاسی ، ادبی و علمی غزتہ در . نومرو : ۲

سیاسیات

پارس و برلین معاہدہ لرینک حق الفاسی

مترینک تالہ برانلہ قارشیلانہ دینی ویاہ مؤتمرنن بری ، آوروپا سیاستندہ مؤثر یکانہ اولان شرق مسئلہ سنک ، منظومات دولیہ تشکلاتنہ وارنجہ یہ قدر اساس اولدینغی تاریخ سیاسی متعارفہ حالہ کتیرمشد : دونکی اتفاق مثلثہ بکونکی ائتلافک اصلی ، دوغروندن دوغرویہ (۹۲) میدان حربنک کونلرنن ظہورایتمشدی . برلین اجتماعندہ تبلر ایدن منافع متبارزہ ، یکدیگرینہ دشمن ایکی ہیئت تولید ایتک صورتیہ ، شرق مسئلہ سنہ ابتنا ایدن برغرب مسئلہ سی وجودہ کتیریوردی ! بوصورتلہ ، حکومت مزمشکل برانزوایہ محکوم اولمشدی : اوزماندن بری آوروپا ایلہ ، تک باشنہ ، قارشی قارشی بہ قالمش ، و آنجق طرفینک اختلافی اوزرینہ تأمین سیاست ایدہ بیلیمشدی !

مملکتینک ایلک خیاتی سایہ سندنہ آیاستفانوسہ قدر کلوب سعد اللہ پاشایہ مطالبنی تقریر ایدن موسقوفک درت آی دوام ایدہ بیلن موفقیتی ، انکلترونک ضربہ رقابتہ اوغمرادندن صوکرہ ، بالقانلردہ یاپیلان تعدیلات ، برلین قونفرہ سندن دوغمش برآوروپا لطف کارانی طرزندہ قارشیلانمشدی : فی الحقیقہ مملکتین ایلہ صربیہ وقرہ طاغک استقلالی ، و [بولغارستان] عنوان ظاہر بیلہ روم ایلی بی ایکی بہ تقسیم ایدوب ، چارک تحکمی آلتندہ ، آزاد اولورکن اسیراولان برحکومت غیرملیہ نک تشکلی ، آوروپادہ صوک بالقان محاربہ سنہ قدر دوام ایدہ بیلن وضعیت ملکیت مزلہ یلک نظرده قابل قیاس اولاماز . آیاستفانوس معاہدہ نامہ سی آووچمزدہ سلاتیک شبہ جزیرہ سیلہ برلین مقرراتندن اوج سنہ صوکرہ یونانہ الحاق ایدیلن تسالیایی ، اپیری ، آرنائودلق و بوسنہ - ہر سکی برافدیننی حالہ ، بولغارستان نامنہ آلدیننی اراضیہ مملکتی نقطہ اتصالی اولمایان ایکی پارچہ یہ افراغ ایدیوردی : برلین مؤتمریسہ ، موسقوفلرک پک عجیبی برآللہ چیزدیکی بوجغرافیہ مسودہ سنی تصحیح ایدرک بزہ یکبارہ برروم ایلی برانمشدی . . فقط غورچاقوفک آلدیننی بوخریطہ درسندن ، ترکیہ ، مساحہ اعتباریلہ دکل ، سادہ شکل اعتباریلہ براستفادہ ارضیہ تأمین بدہ بیلدیکی حالہ ، سیاسی ومعنوی هیچ بر فائدہ قازانامامشدی . بوتصحیح اک زیادہ

مقصد اسلام

قارئلریمزه ، [ابن موسی] دن برمکله بدیعه دهه تقدیم ایدیورز :

اشخاص

پرنسس ایزابللا ، دوشس دولوزیطانیا ، مارکیز ، قونتس دوناواریا ، قونتس دو واسقونیا ، ادلینا مرقادو ، صوللا ، لوئیزا ، [بولردن ادلینا کزینور . صواللا برکنارده طورر ، لوئیزا کذالك ، باقیسی برر کوشهیه چکلمش اوتوررلر . هپسی سیاهپوش ماتم .]

لوئیزا

انسانلر ، بیلیم که نه زمانه قدر رقابت و مسابقت یولنده قربان اولوب کیده چک ؟ بو انقلاب عالمی تسخیر و توقیف اولنه بیلیرمی ؟ بو اولوملر مشهرنده جنک وجدالك لزومی نه در ؟

قونتس دوناواریا

لزومی اولماسه حدوئی ده اولمازدی . حرب شبهه یوق که رجال واجب الایحالی مظهر شرف و شان ایدیور ، فقط حرب نسوان بی توانی ده بویله پریشان و بویله بی نام و نشان ایدیور .

پرنسس ایزابللا

اک غیرتلی بیله یکمز معین ملت ، روابط حیاتک انقطاعیه مفتخر ، جریحه سناح عندنده برنشاندیر ؛ حسابنده بدیعه کی رغبتی موجب اولور .

قونتس دوناواریا

اک همتلی کوردیکمز امین دولت ، و سائط ملماتک اختراعیه مشهر ، مدیحه صلاح نزدنده هدیاندیر ؛ کتابنده صنیه کی نفرتی جالب اولور .

پرنسس ایزابللا

کیمی سفک دما داهیه سنه مبنی ، توقی طرفداری در ؛ اجتناب جدال ایدر ، فقط مدخول اولور ، بی حیتدر . مجرب دکلی ؟

قونتس دوناواریا

کیمی اعتلا داعیه سنه مبتنی ، ترقی هوسکاریدر ؛ ارتکاب قتال ایدر ، فقط مقبول اولور ، ذی عزیتدر . مستغرب دکلی ؟

ادلینا مرادوقا

ایکی موسی کلش : بری جبرائیل تربیت کرده سی منکر ، بری فرعون پرورده سی مرسل !

لوئیزا

نه دیمک ایستیورساک ، ادلینا مرقادو ، ای دائماً مستور و مبهم تکلم ایدن ظلمانی داهیه ؟

ادلینا صرقادو

هابلا قابی اونو تمیکز . بر زمان کله جک که نه طوفان بیلنه جک نه نوح !

قونئس دو واسقونیا

بن ادلینا صرقادونک نه دیمک ایستدیکنی آ کلایورم . بر انسان سعید طوغمش ایسه
صربسی شقی ده اولسه سعدادندر . حرب ابتدای خلقتدن بری طینت انساویه موجود
براستعداددر . تاریخک عاقبتی نسیاندر . دیمک ایستیور .

پرنسس ایزابللا

انسان خصومت ایتدیکی ادمی افنایه قدرتیاب اولیور . محبت ایتدیکی ادمی احیا
ایده من . بختیار اوملتدرکه افرادی محاربه یوزندن آغلاماشدر .

صوللا

افرادده اولدینی کبی اقوامدهده حرص تفوق واردر . سز ، پرنسس ایزابللا ؛
سز ، دوشس دولوزیطانیا ، قرال رودریقک ازدواجندن اول قرالیچه ایلانک هم
حبه شبابی ، هم رقیبه اتخابی ایدیکز . بو محله کریمه سی حاضر بولنان صرقادونک
ضیافتنده ایلانک قرالیچه لکه ناهرد اولدینی ایشیتدیککز زمان بن اوزاقده دکلم . باغچه ده
رقص ایدنلرک خا کپایلرینه یوز سورمش کبی ایکیکزده طوپراق رنگنه کیرمش ایدیکز .
صانکه غرور ونخوتککزک جنازه سنی کوستریوردیکز . شبانه رقصدن چیممش کبی
دکلده ظلمات مماته کیریور کبی اولمش ایدیکز . بالطارارک استقبال مدهشنی دیواره
تحریر ایدن دست اعجاز ، سزجه وعدینی انجاز ایده میه جکدی . سز یالکز ، یاخود
سز ایکیکزده ، یالکز بالطارارک ید ازدواجنه مائل ، یعنی رودریقک تخت وتاجنه
نائل اولی بی تجربه ایدیوردیکز ، دکلی ؟

پرنسس ایزابللا

ماضیده نه اولمش ایسه اولمش . بوکون هیمز بر حالده یز . قرالیچه مزله برابر
جمله مزده حرب اسیری یز ، مساواة کلنجه معادات کچر .

صوللا

اشته پک اعلا یا ، عربلر اقوام بینندهده او مساواتی وجوده کتیرمک ایچون
حرب ایدیورلر .

پرنسس ایزابللا « ضحک عمومی ایله »

بتون اقوام عالم اونلرک اسیری اولسون دیمک ایستیورسین ، صوللا ؟

صوللا

مقصد اسلام ابنای ادمک اخوتی در . عربلر بر عصردن بری او مقصده خدمت
ایدیور دیمک ایستیورم .

.....